

# اسلام مجیدی

شعاری : « دینی برہیات ، صیانتی بروریہ » در .

پیل ۱ - صیانتی ۱۷  
۲۸ بحرہ الحرام ۱۳۳۳  
۴ کانون اول ۱۳۳۰  
جلد ۲  
مدیری : حلیم ثابت

بر او چوروم عزملرینی کوشتمز ایلرولرلردی ، آلایش دنیایه قابیلمازلردی ؛  
حب دنیا نه در بیلمزلردی . زینتلی دنیاده حسنات اءالدی ؛ یکانه مقصدلی  
اعلای کلمهء ، اعلای ( هلال ) دی .

ای ناس ، اجدادیکنزک نه یابدقلمزینی درین درین دوشونک طاشینک ؛  
برافدقلمز میرانی نه حاله قویدیغکز باقکده صیقاک اوتانک . بلکه بویوککلر  
سزی براز جانلاندیرر ؛ ایچنده اویوشدیغکز بو غفلت اویقوستدن صاوصار  
اویاندیرر .

ای مسلمانلر ، ایسته اجدادیکنزک اوشانلی کونلرندن برونده بویکوندر ؛  
اونلر کی انسانلغیزی کوشتررسهک بزم ایچون ابدی اوکدر . بویکون بویوک  
خلیفه من بزه جهادی امرایدیور ؛ سوکیلی خاقانمز دشمنلره غزایی بیوریور .  
شریعتمز بوتون مؤمنلره جهادک فرض اولدیغنی اعلان ایدیور ؛ یوندن  
ایرکیملرک دنیاده آخرتده طوراعی جهنم اولدیغنی بیلدیریور .

ای ناس ، بو برندادرکه طویان قلیلر چارپار ؛ بو بر صدادرکه بوتون روحلر  
تتره . بو مبارک صدا قورتوله کوننک بویکون اولدیغنی سویلیور ؛ بویکون  
تا کریمزک عنایتی ، پیغمبریمزک روحانیتی بزه ظفرلر حاضرلادیغنی بیلدیریور .  
وطنمز بزی بویکون ایچون بسلمش طویورمشدر ؛ انالریمز بزی بویکون ایچون  
بویوتمش طوغورمشدر . ارتق الویرمدیمی ؛ یوقسه حالا انتباه دورلری کلدیمی .  
قوموا ، رحمکم الله .

[ بعده خطبه ثانیه قرائت اوانه جقدر ]

شیخ اوده بالی

۶ محرم سنه ۱۳۳۲

الهی

### قیمت حکملری

اشیا حقنده کی حکملر من ایکی تورلودر : کیفیت حکملری ، قیمت حکملری .  
شکر طائیدر ، پورتاقال یووارلاقدر دیدیکمز زمان شکرک ، پورتاقالک برر

کیفیتی حقنه حکم ویریورز . حالیه که بابا محترمدر ، وطن عزیزدر ، سنجاق مقدسدر دیدیکمز زمان بر مغیور ملک قیمتی حقنه حکم اعطا ایدیورز .

کیفیت ، اشیانک طبیعتده موجود اولان بر حالتدر ؛ طائلیق شکرک ، یووارلاق پورتاقالک طبیعتده موجوددر ، اوحالده بر کیفیت حکمک دوغرو اولاسی اوتک فضاذه کی وجود خارجییه ، تعیر آخراه مادی (شأنیت Réalité) مطابق اوله سیله قائمدر . قیمت ، اشیانک مادی طبیعتده موجود اولمادیغنی حالده بر جمعیت طرفدن اولره ویریلن اهمیتدر . مثلاً عائله وجدانی آنا و بابانک محترم اولدیغنه ، ملت وجدانی وطنک و سنجاغک مقدس بولوندیغنه ایمان ایدر . اوحالده بر قیمت حکمک دوغرو اولسی مادی بر وجود خارجییه مطابقیله دکل ، اجتماعی برووجود ذهنییه عوافقیله قائمدر ؛ یعنی بو حکمک مدلولی اشیانک طبیعتده دکل ، جمعیتک ایماننده آرامق لازم کلیر . مع مافیله بوايضاحاتدن قیمت حکملرینک ، آنحق مادی شأنیتده معکس اولمادیغنی آکلایه بیلیرز . یوقسه بو حکملرک مدلولی اولان ایمان اجتماعی برووجود ذهنی اولقله برابر عینی زمانده برووجود خارجیدرده . چونکه بوايمان بالکتر جمعیه نظراً وجود ذهنی موقعده ، اولوب فرد نظراً وجود خارجی مثابه سنده در . ایشته بو وجود خارجییه ( اجتماعی شأنیت ) نامی ویریلیر ؛ بوشأنیتکده کندیغه مخصوص بر طبعی وارددرکه ( اجتماعی طبعیت ) تسمیه ایدیلیر . فرد جمعیتک تربیه سی تحتده یتشدیکی ایچون بواجتماعی ایمانه اکثریا خبری اولمادن مشارکدر . بومشارکت موجود اولدیغنی زمان فرد ایمانک خارجی برووجوده ، کندیندن خارج ومستقل بر شأنیتده مطابق اولدیغنی آنحق مبهم بر صورتده طویه بیلیر ؛ برووجود خارجینک ایمان اجتماعی اولدیغنی آکلایه مدیغنی ایچون اونی مابعدالطبیعی بر موجودیت ، لدنی بر شأنیت ظن ایدر . فقط اصل بومشارکت بولونمادیغنی زمانلرده درکه فرد ایمان اجتماعی صورتنده بر وجود خارجینک ، بر شأنیتک بولوندیغنی واضح بر صورتده حس ایدر . چونکه بواجتماعی ایمانه استناد ایدن قیمتلری رد وانکار ایتمه سندن دولایی جمعیت طرفدن مادی بر جزایه یاخود معنوی بر عکس العمله دوچار اولدیغنی بالتجربه آکلار .

فرد ، اشیانک مادی طبیعتدن بر طاقم کیفیت حکملری چیقاریر ؛ بونک کی

بر جمعیت عائد مؤسسه و عملیه لرك اجتماعی طبیعتند ده بر طاقم قیمت حکملری  
 چیقاریرز . کیفیت حکملری ناصل بر وجود خارجینک معکسی ایسه ، قیمت  
 حکملری ده اوله در . فرد اشیانک کیفیتلری یارانه مدینی کی ، قیمتلری ده خلق  
 ایده مز . کیفیتلر مادی طبیعتدن صادر اولدینی مثللی قیمتلر ده اجتماعی شأنیتک بر محصول  
 طبیعیدر . فرد کرك او کیفیتلری ، کرك بو قیمتلری کشف ایدر ، فقط  
 ابداع ایده مز ؛ طبیعتک قانونلری کشف ایدن انسانلر قوای طبیعییه حاکم  
 اولدقلری کی ، جمعیتک قانونلری ادراک ایله یین فردلر ده قوای اجتماعییه یی  
 سوق و اداره ایده بیلیرلر . فردک جمعیتده کی مؤثریتی ، طبیعتده کی حاکمیتک  
 عینیدر . یعنی ایکنجیسی طبیعتی بیلیمکه قابل اولدینی کی ، برنجینی ده جمعیتی  
 طایفه ممکدر . جمعیتی تشکیل ایدن مؤسسهلر ایمان اجتماعییه مستدر بر سور و  
 قیمتلرک مجموعندن عبارتدر . بوقیمتلر دینی ، اخلاقی ، حقوقی ، اقتصادی ،  
 بدعی ، لسانی دییه بر طاقم صنفلر آریلیر . بوقیمتلرک هیچ بریسی نه ماده نک  
 طبیعتدن ، نه ده فردک فطرتندن صادر اولمش دکلدر ؛ هپسی جمعیتک ایمانندن  
 تولد ایش و اونک وجداننده یاشامقده در . جمعیتلر بر طاقم نوعلره ، جنسلره  
 منقسم اولدینگندن مرجئه ، و هر نوعه عائد جمعیتلر ایچون باشقه باشقه قیمتلر  
 واردر . کله جک نسخه ده بو اجتماعی جنسلری و نوعلری ایضاح ایده جکر .

کوک آب

تقدیر و تقریر

« قیزیل الما ، کتابنه دأر ا . . . »

دنیا ده کی بوتون مسلمانلر قارده شدرلر . « اتحاد اسلام » دینیان بویوک  
 و معنوی رابطه خبریتیانلغه قارشى « اسلام بین المللی » حالتده دائما موجوددر .  
 مسلمان بر ملته و وریلان ضربه ، بوتون دیکر مسلمان ملتلری متأثر ایدر .  
 بو کونکی جهاد اکبرده کورولن هیجان و عصیت بو « اسلام بین المللی » نک  
 قوت و عظمتنه شاهددر . مسلمان ملتلر کندیلری ادراک ایدوب قوتلندکجه ،  
 قوتلنوب مادی و معنوی ترقی ایتدکجه « اتحاد اسلام » دها زیاده فیض بولا جق